



千金方衍義

中武 9  
176  
4



門武  
卷 176  
卷 4



孫真人千金方衍義卷三



尾張菊

長洲張璐路理著記

南沙席世臣郢客校

婦人方中

凡八類

虛損第十

論一首二條  
方二十首

論曰婦人非止臨產須憂至於產後大須將慎危篤之至其在於斯勿以產時無他乃縱心恣意無所不犯犯時微若秋毫感病廣於嵩岱何則產後之病難治於餘病也婦人產訖五藏虛羸惟得將補不可轉瀉若其有病不須駛藥若行駛藥轉更增虛就中更

千金方衍義卷三

掃葉山房



虛向生路遠所以產後百日以來極須慤懃憂畏勿縱心犯觸及即便行房若有所犯必身反強直猶如角弓反張名曰蓐風則是其犯候也若似角弓命同轉燭凡百女人宜好思之苟或有微不慎戲笑作病一朝困臥控告無所縱多出財寶遍處求醫醫者未必解此縱得醫來大命已去何處追尋學者於此一方大須精熟不可同於常方耳特忌上厠便利宜室中盆上佳

凡產後滿百日乃可合會不爾至死虛羸百病滋長慎之

凡婦人皆患風氣臍下虛冷莫不由此早行房故也凡產後七日內惡血未盡不可服湯候臍下塊散乃進羊肉湯有痛甚切者不在此例候三兩日消息可服澤蘭丸比至滿月丸盡爲佳不爾虛損不可平復也全極消瘦不可救者服五石澤蘭丸凡在蓐須服澤蘭丸補之服法必七日外不得早服也

凡婦人因暑月產乳取涼太多得風冷腹中積聚百病競起迄至於老百方治不能瘥桃仁煎主之出蓐後服之婦人縱令無病每至秋冬須服一兩劑以至年內將常服之佳

四順理中圓 產訖可服此方

甘草

人參

白朮

乾薑 各一兩

右四味爲末蜜和丸如梧子大服十九丸稍增至二十九丸新生藏虛所以養藏氣也

衍義

理中加以四順之衍以太陰手足自溫雖有虛寒祇宜理中溫之非少陰四逆之比產後諸虛必先溫養脾氣脾氣健運則飲食有常氣血無滯何憚瘀垢之不順趨而下哉

桃仁煎 治婦人產後百疾諸氣補益悅澤方

桃仁一千二百枚擣令細熟以上好酒一斗五升研濾三四遍如作麥粥法以極細爲佳內長項甗瓶中蜜塞以麩封之內湯中煮一伏時不停火亦勿令火猛使瓶口常出在湯上無令沉沒熟訖出溫酒服一合日再雖丈夫亦可服也

衍義

桃仁雖能逐瘀然隨烏藥莪茂則專於破血隨芎歸芍藥則相胥和血若單用一味破之與和惟在多用少用之間兼之以酒爲產後和血勝藥但所稟柔脆坐艸無傷無所畱滯者不在此例

石斛地黃煎 治婦人虛羸短氣胸逆滿悶風氣

方

石斛

甘艸

紫苑各四兩

桃仁半升

桂心二兩

大黃八兩

麥門冬二升

茯苓一升

生地黄汁

醇酒各八升

右十味爲末於銅器中炭火上熬內鹿角膠一斤耗得一半次內飴三斤白蜜三升和調更於銅器中釜上煎微耗以生竹攪無令著耗令相得藥成先食酒服如彈子一九日三不知稍加至二九一方用人參三兩

行義

虛羸短氣而用地黃門冬舉世之通套用桂心大黃近世所未聞須知地黃門冬得桂心則滋而不滯桂心得大黃則宣而遂通鹿角膠醇酒飴糖白蜜等溫養精血之味咸得辛溫敷布之力羣行補劑之中雖有一味大黃祇能行滯斷無泄瀉之理辟如列坐皆端直卽有一匪人亦必隨之而向化矣

地黃羊脂煎 治婦人產後欲令肥白飲食平調

方

生地黄汁一斗

生薑汁

白蜜各五升

掃葉山房

羊脂 二斤

右四味先煎地黃令得五升次內羊脂令煎減半  
內薑汁復煎令減合蜜著銅器中煎如飴取鷄子  
大一枚投熟酒中服日三

衍義地黃純陰滋膩能治傷中淋露羊脂性溫益津能  
固腸胃虛脫蜂蜜解毒和中能除心腹邪氣以產  
母素稟燥熱故聚潤劑以滋之薑汁辛散專行三  
味之膩也

地黃酒 治產後百病未產前一月當預釀之產  
訖蓐中服之方

地黃汁 一升

好麴

好米

各二升

右三味先以地黃汁漬麴令發準家法醞之至熟  
封七日取清服之常使酒氣相接勿令斷絕慎蒜  
生冷酢滑猪雞魚一切婦人皆須忌之但夏三月  
熱不可合春秋冬並得合服地黃并滓內米中炊  
合用之一石十石一準此一升為率先服羊肉當  
歸湯三劑乃服之佳

衍義地黃寒滯得麴發之滋養血虛之良法不當以  
藥例之

羊肉湯 治產後虛羸喘乏自汗出腹中絞痛方

肥羊肉

去脂三斤

當歸

姚氏用葱白

桂心

甘艸

各二兩

芎藭

三兩子母祕錄作豉一升

芍藥

子母祕錄作葱白

生薑

各四兩

乾地黄

五兩

右八味咬咀以水一斗半先煮肉取七升去肉內

餘藥煮取三升去滓分三服不瘥重作

翼方有葱白一斤

衍義

金匱當歸生薑羊肉湯為產後腹中疴痛之聖藥

即寒疝小腹結痛亦得用之況合四物以調其血

加桂以通其滯用甘艸者以緩薑桂之急也緩急

得宜攻補兼濟非深入金匱之奧何以及此

猪腎湯 治產後虛羸喘乏乍寒乍熱如瘧狀名

葶勞方

猪腎

去脂剖一具

香豉

綿裹

白粳米

葱白

各一兩

右四味以水三斗煮取五升去滓任情服之不瘥

更作

廣濟方有人參當歸各二兩為六味

衍義

產後百脉皆虛虛風易感每致虛羸喘乏寒熱如

瘧故取葱白香豉湯加猪腎以安其腎粳米以安

其胃并調先後二天即無虛風亦無妨礙金匱旋

覆花湯中用葱白未嘗為風而設

羊肉黃耆湯 治產後虛乏補益方

羊肉 三斤

黃耆 二兩

大棗 三十枚

茯苓

甘艸

當歸

桂心

麥門冬

乾地黃

芍藥 各二兩

右十味咬咀以水二斗煮羊肉取一斗去肉內諸

藥煎取二升去滓分三服日三

衍義

前羊肉湯以有腹中絞痛故用薑芎之辛以散之此無腹中絞痛專宜補虛故用黃耆茯苓門冬大棗滋養營氣可無藉於辛散也

鹿肉湯 治產後虛羸勞損補乏方

鹿肉 四斤

乾地黃

甘艸

芎藭

黃耆

芍藥

麥門冬

茯苓 各二兩

人參

當歸

生薑 各一兩

半夏 一升

大棗 二十枚

右十三味咬咀以水二斗五升煮肉取一斗三升去肉內藥煎取五升去滓分四服日三夜一

衍義

鹿肉湯合羊肉黃耆湯以鹿易羊更加人參半夏健運中氣鹿肉填補督腎詢為產後虛羸勞損之神丹專於婦人科者急須著眼



麀骨湯 治產後虛乏五勞七傷虛損不足藏府

冷熱不調方

麀骨 一骨

遠志

黃耆

芍藥

乾薑

防風

茯苓

厚朴 各三兩

當歸

橘皮

甘艸

獨活

芎藭 各二兩

桂心 四兩

生薑 四兩

右十五味咬咀以水三斗煮麀骨取二斗去骨內藥煎取五升去滓分五服

衍義

產後虛羸祇宜溫養一切苦寒切不可犯方中桂

心芍藥專和寒熱不調餘皆健脾和營之品惟麀

骨一味為堅強筋骨克復勞傷之藥惜乎世鮮知

用也

當歸芍藥湯

治產後虛損逆害飲食方

當歸 一兩半

芍藥

人參

桂心

生薑

乾地黄

甘草 各一兩

大棗 二十一枚

右八味咬咀以水七升煮取三升去滓分三服日

三

衍義

此以內補建中湯除去膠飴易入人參地黄平調

血氣雖有虛羸寒熱無不可治豈特逆知飲食而已哉

杏仁湯 治產後虛氣方

杏仁

橘皮

白前

人參

各三兩

蘇葉

半夏

各一升

桂心

四兩

生薑

十兩

麥門冬

二兩

右九味咬咀以水一斗二升煮取三升半去滓分五服

衍義

產後浮腫喘乏總屬氣虛風襲之故故效金匱大

半夏湯之法參以蘇杏白前疎風利氣之品又以

桂半性燥以門冬濟之與大橘皮湯用意稍別

杏耗氣以人參固之較大橘皮湯用意稍別

治婦人產後上氣賁豚積勞藏氣不足胸中煩躁

關元以下如懷五千錢狀方

厚朴

桂心

當歸

細辛

芍藥

石膏

桔梗

各三兩

甘艸

黃芩

澤瀉

各二兩

吳茱萸

五兩

千金翼作大黃

乾地黄

四兩

乾薑

一兩

右十三味咬咀以水一斗二升煮取三升去滓分

三服服三劑佳

衍義

婦身素有賁豚氣以病不在子藏故仍能受胎受胎之後又不慎勞動產後胸煩上氣逮所不免氣既上逆惡露不無阻滯所以臍下重墜方用厚朴破血中滯氣桂心當歸散臍下積結芍藥地黃除血痺寒熱細辛逐竅祛陰邪茱萸乾薑下逆氣通痺桔梗開胸中煩躁石膏甘艸散寒熱逆氣於上黃芩澤瀉逐水下血閉於下地黃芍藥得桂心乾薑之辛散可無阻血之虞茱萸細辛得石膏黃芩之寒化可無助熱之患任熱邪固結則當從翼方退茱萸而進大黃要在量人所稟之偏勝而為調適其宜可也

乳蜜湯 治產後七傷虛損少氣不足并腎勞寒

冷補氣方

牛乳 七升 惡則用羊乳 白蜜 一升

當歸

人參 獨活 各三兩

大棗 二十枚

甘草 桂心 各二兩

右八味咬咀諸藥以乳蜜中煮取三升去滓分四服

衍義

產後亡血過多而致腎虛風闕故需參歸桂心温

養血氣兼取獨活搜風乳蜜潤燥甘艸大棗調和脾胃之津氣惟脾虛食少便溏者禁用

五石湯 治產後虛冷七傷時寒熱體痛乏力補

腎治百病

紫石英

鐘乳

白石英

赤石脂

石膏

茯苓

白朮

桂心

芎藭

甘艸 各二兩

薤白 六兩

人參

當歸 各三兩

生薑 八兩

大棗 二十枚

右十五味五石並為末諸藥各咬咀以水一斗二

升煮取三升六合去滓分六服若中風加葛根獨

活各二兩下痢加龍骨一兩

三石湯 主百病如前方

紫石英

生薑

當歸

人參

甘艸 各二兩

白石英

鐘乳 各二兩半

茯苓

乾地黄

桂心 各三兩

半夏 五兩

大棗 十五枚

右十二味三石為末咬咀諸藥以水一斗五升煮

取三升去滓分四服若中風加葛根四兩

**衍義**

產後虛冷多緣臨蓐血氣過傷不但寒熱體痛必

然崩脫不止乃致清陽下溜濁陰上逆故用紫白  
石英鐘乳石脂固脫參苓朮艸益氣芎歸桂心調  
血石膏薤白除膈上濁邪生薑大棗和營衛寒熱  
與第五卷風門中五石湯皆風引湯之發派 三  
石湯與五石湯主治如前然必病勢稍輕或元氣  
素弱故不用乳朮之相激石脂之固脫石膏之標  
進用地黃卽五石湯中芎藭之義半夏卽薤白之  
義方後云中風加葛根與五石湯二方不異  
內補黃耆湯 治婦人七傷身體疼痛小腹急滿  
面目黃黑不能飲食并諸虛之不足少氣心悸

不安方

黃耆 當歸 芍藥

乾地黃 半夏 各三兩 茯苓

人參 桂心 遠志

麥門冬 甘艸 五味子

白朮 澤瀉 各二兩 乾薑 四兩

大棗 三十枚

右十六味咬咀以水一斗煮取三升去滓一服五  
合日三夜一服

衍義此內補建中合保元四君而易乾薑溫中益氣加

千金方衍義卷三  
地黃療傷中逐血半夏治胸腹急痛遠志門冬除  
心悸不安澤瀉通膀胱氣化五味子收腎藏之津  
氣也

吳茱萸湯 治產後虛羸盜汗瀦瀦惡寒方

吳茱萸三兩以清酒三升漬一宿煮如蟻鼻沸  
減得二升許半分之頓服一升日再間日再作  
服亦治產後腹中疾痛

衍義

產後虛羸盜汗良由血氣虛冷濁陰擾亂於中生  
陽不能自固所以瀦瀦惡寒當非太陽中風宜和  
營衛之比故但取專走厥陰溫中下氣之吳茱萸

借清酒漬煮外充腠理以散在表之陰邪內溫藏  
府以固在裏之津液此與桂枝湯治自汗之法迥  
乎角立

猪膏煎 治產後體虛寒熱自汗出方

猪膏

生薑汁

白蜜

各一升

清酒

五合

右四味煎令調和五上五下膏成隨意以酒服方  
寸七

衍義

產後體虛寒熱且自汗多而津液外泄久之大便  
瀦難所以專取猪膏蜜酒之潤以滋腸胃之枯槁

此惟脾約便秘者為宜若病人舊有微溏者禁用

鯉魚湯 治婦人體盈流汗不止或時盜汗方

鯉魚 二斤

豉

葱白

切各一升

乾薑

桂心

各二兩

右五味咬咀三物以水一斗煮魚取六升去魚內諸藥微火煮取二升去滓分二服取微汗即愈勿用生魚

衍義

河間云鯉之治水驚之利水因其氣相感也鯉專

治水而體豐多汗盜汗用之者以其能散週身濕熱之氣也更兼香豉專解陰邪葱白專通陽氣乾薑出汗逐風桂心和營散邪邪散表實無復自汗盜汗之虞矣

桂枝附子湯 治產後風虛汗出不止小便難四

肢微急難以屈伸者方

桂枝

芍藥

生薑

各三兩

甘艸

一兩半

附子

一枚

大棗

二十枚

右六味咬咀以水七升煮取三升分三服

衍義

桂枝湯本風傷衛之專藥小便濇難亦得用之者以其多汗傷津之故良非太陽犯本之比且見四肢微急非附子不能利其屈伸原本太陽例中病

證象陽旦因加附子參其間增桂合汗出之法總由腎藏陽虛所致在產後亡陽多汗尤為合轍

虛煩第十一 方十一首

薤白湯 治產後胸中煩熱逆氣方

薤白 半夏 甘草

人參 知母 各二兩 石膏 四兩

括蕞根 三兩 麥門冬 半升

右八味咬咀以水一斗三升煮取四升去滓分五服日三夜二熱甚即加石膏知母各一兩

衍義 虛煩懊懣與胸痺所爭一間虛痰痺著而痛則謂

胸痺虛火擾亂不寧則為虛煩此因痰火交混而煩熱氣逆故借胸痺薤白湯法參入竹葉石膏劑中庶痰之與火各得其平乃治虛煩之變法仍治懊懣之正治也

竹根湯 治產後虛煩方

甘竹根細切一斗五升以水二斗煮取七升去滓內小麥二升大棗三十枚復煮麥熟三四沸內甘艸一兩麥門冬一升湯成去滓服五合不瘥更服取瘥短氣亦服之

衍義 產後虛煩不勝湯藥但以甘竹清胃火小麥斂肝



千金方衍義卷三  
五  
氣大棗益脾津門冬滋肺熱使火無上炎之勢胸  
無煩擾之患矣用根不用葉者取其降泄直達下  
焦也

人參當歸湯 治產後煩悶不安方

人參

當歸

麥門冬

乾地黄

桂心

各一兩

大棗

二十枚

粳米 一升

芍藥

四兩

淡竹葉

三升

右九味咬咀以水一斗二升先煮竹葉及米取八  
升去滓內藥煮取三升去滓分三服若煩悶不安  
者當取豉一升以水三斗煮取一升盡服之甚良

衍義

此以氣血兩虛虛火上炎而煩悶不安故用人參  
大棗以益氣歸芍地黄以滋血竹葉門冬粳米以  
除煩用桂心者專攝上炎之火也

甘竹茹湯 治產後內虛煩熱短氣方

甘竹茹 一升

人參 一兩

茯苓

甘艸 各二兩

黃芩 三兩

右五味咬咀以水六升煮取二升去滓分三服日  
三

衍義

產後而見煩熱短氣急宜清補為先方中人參茯  
苓專補心虛甘艸專益胃氣竹茹黃芩兼清內外

之熱如無外熱黃芩可無用也

知母湯 治產後乍寒乍熱通身溫壯胸心煩悶

方

知母 三兩

芍藥

黃芩 各二兩

桂心

甘艸 各一兩

右五味咬咀以水五升煮取二升半分三服一

方不用桂心加生地黃

衍義

知母芍藥黃芩統治內外之熱妙用尤在桂心辛散不獨收攝上浮之火且使上三味無遏閉之虞

更以甘艸和其寒熱煩悶自除矣

竹葉湯 治產後心中煩悶不解方

生淡竹葉

麥門冬 各一升

甘艸 二兩

生薑

茯苓 各三兩

大棗 十四枚

小麥 三合

右七味咬咀以水一斗先煮竹葉小麥取八升內

諸藥煮取三升去滓分三服若心中虛悸者加人

參二兩其人食少無穀氣者加粳米五合氣逆者

加半夏二兩

淡竹茹湯 治產後虛煩頭痛短氣欲絕心中悶

亂不解方

生淡竹茹

升一

麥門冬

小麥

各五合

甘艸

一兩

生薑

三兩產寶用乾葛

大棗

十四枚產寶用石膏三兩

右六味咬咀以水一斗煮竹茹小麥取八升去滓內諸藥煮取二升去滓分二服羸人分作三服若有人參入一兩若無人參內茯苓一兩半亦佳人參茯苓皆治心煩悶及心虛驚悸安定精神有則為良無自依方服一劑不瘥更作若氣逆者加半夏二兩

衍義

產後雖無短氣悶亂亦無妨於補益竹葉竹茹一清肺一清胃肺胃本相接壤津氣貫通但以胃熱

上蒸而頭痛卽用竹茹肺熱內蘊而煩心則用竹葉佐以茯苓使之下泄也但虛極必內人參氣逆而嘔並用半夏二方之功用髣髴可知

赤小豆散

治產後煩悶不能食虛滿方

赤小豆三七枚燒作末以溫水和頓服之良

蒲黃散

治產後煩悶方

蒲黃以東流水和方寸匕服極良

衍義

赤小豆燒之不特清火兼可消瘀蒲黃生用功專逐血也

蜀漆湯

治產後虛熱往來心胸煩滿骨節疼痛

及頭痛壯熱晡時輒甚又如微瘧方

蜀漆葉

桂心

甘艸

黃芩

各一兩

黃耆

五兩

知母

芍藥

各二兩

生地黄

一斤

右八味咬咀以水一斗煮取三升分三服治寒熱不傷人

衍義

草蓐中發露得風因而虛熱煩滿晡時輒甚頗有似乎瘧狀故借瘧症門中蜀漆以療之蜀漆性劣著艸和之芩知性寒桂心散之地黃芍藥專清血分之熱也

芍藥湯 治產後虛熱頭痛方

白芍藥

乾地黄

牡蠣

各五兩

桂心

三兩  
右四味咬咀以水一斗煮取二升半去滓分三服日三此湯不傷損人無毒亦治腹中拘急痛若通身發熱加黃芩二兩

衍義

產後虛熱虛煩渾是虛火上炎之候芍藥地黃專清血熱恐其閉拒乃以桂心散之牡蠣能解虛熱上蒸之頭痛以其鹹降也通身發熱加黃芩以黃芩為少陽經藥表裏風熱皆得用也

中風第十二

論一首

方三十首

論曰凡產後角弓反張及諸風病不得用毒藥惟宜單行一兩味亦不得大發汗特忌轉瀉吐利必死無疑大豆紫湯產後大善

大豆紫湯

治產後百病及中風痲痺或背強口

噤或但煩熱若渴或頭身皆重或身癢劇者嘔

逆直視此皆因虛風冷濕及勞傷所為方

大豆

五升

清酒

一斗

右二味以鐵鑊猛火熬豆令極熱焦煙出以酒沃之去滓服一升日夜數服服盡更合小汗則愈一

以去風二則消血結如妊娠傷折胎死在腹中三日服此酒即瘥

衍義

黑大豆去風活血更兼酒沃通行經絡產蓐前後一切虛風關節不利等證無不宜之宜乎千金首推也

獨活紫湯

治產後百日中風瘓口噤不開并治

血氣痛勞傷補腎方

獨活

一斤

大豆

五升

舊酒

三斗

右三味先以酒漬獨活再宿若急須微火煮之令減三升去滓別熬大豆極焦使煙出以獨活酒沃

之去豆服一升日三夜二

衍義

獨活專祛風毒加於大豆紫湯中製其苦燥之性深得剛柔兼濟之妙用終嫌燥血須百日外用之若新產暴虛恐非所宜

小獨活湯 治如前狀方

獨活 半斤

葛根

生薑 各六兩

甘艸 二兩

右四味咬咀以水九升煮取三升去滓分四服微

汗佳

衍義

此純用風藥僅可施於藜霍之人若高粱柔脆諒

不處是方也

甘草湯 治在蓐中風背強不得轉動名曰風痙

方

甘草

乾地黄

麥門冬

麻黃 各十兩

括蕞根

芎藭

黃芩 各三兩

杏仁 五十枚

葛根 半斤

右九味咬咀以水一斗五升酒五升合煮葛根取八升去滓內諸藥煮取三升去滓分再服一劑不

瘥更合良

翼方崔氏有前胡三兩

衍義

所中風毒最重見證最急不得以重劑發之略

兼滋血潤燥可也不當以產後新虛而致失治也

獨活湯 治產後中風口噤不能言方

獨活 生薑各五兩 防風

秦艽 桂心 白朮

甘艸 當歸 附子各三兩

葛根二兩 防已一兩

右十一味咬咀以水一斗二升煮取三升去滓分三服

衍義

前甘艸湯治背強不能轉動純見太陽表證故用麻黃葛根以太陽之經行身後也此治口噤不能

言純見少陰風證故用附子獨活以少陰之脉循喉嚨也風濕流泊非防已防風桂心白朮無以祛之兩不移易之定法也

雞糞酒 治產後中風及百病并男子中一切風

神效方

雞糞一升熬令黃 豆一升熬令聲絕勿焦

右二味以清酒三升半先淋雞糞次淋豆取汁一服一升溫服取汗病重者凡四五日服之無不愈

衍義

內經用雞矢醴治心腹滿脹此用雞矢醴療產後中風全在黑豆淋酒取汗之力雞屬巽而祛風糞

屬穢而祛惡也

竹葉湯 治產後中風發熱面正赤喘氣頭痛方

淡竹葉 一握 葛根 三兩 防風 二兩

桔梗 甘艸 人參

桂心 各一兩 大附子 一枚 生薑 五兩

大棗 十五枚

右十味咬咀以水一斗煮取二升半去滓分三服日三溫覆使汗出若頸項强者用大附子若嘔者加半夏四兩

衍義 產後中風發熱面赤戴陽為患最急急進辛溫救

本之藥庶陽不致上逆風熱不致內攻若悞認陽明病面合赤色純行解肌不旋踵而告變矣

防風湯 治產後中風背急短氣 千金翼作裏急短氣

防風 獨活 葛根 各五兩

當歸 芍藥 人參

甘艸 乾薑 各二兩

右八味咬咀以水九升煮取三升去滓分三服日三

衍義 背急表實可驗短氣內虛可憑故以人參輔正祛

邪一舉而兩得其平非若虛陽上逆竹葉湯之兩



千金方衍義卷三  
三  
難分解也千金翼作裏急短氣若作裏急恐非防  
葛可治也

鹿肉湯 治產後風虛頭痛壯熱言語邪僻方

鹿肉 三斤

芍藥

獨活

秦艽

黃芩

黃芪

半夏 一升

乾地黄

桂心

芎藭 各二兩

生薑 六兩

甘艸

阿膠 各一兩

茯苓 千金翼作茯神

人參 各四兩

右十五味咬咀以水二斗煮肉得一斗二升去肉  
內藥煎三升去滓內膠令烊分四服日三夜一

衍義

產後為虛風所襲非峻培氣血助其祛風之力弗  
克有濟若疑其有容邪不敢用補而與疎表之劑  
則氣隨藥脫雖有九還救無及矣即使用補尚恐  
艸木無情不能速為取效故取血肉之味稍兼獨  
活秦艽鼓舞參芪之性不但助力祛邪并杜虛風  
復入真補中寓瀉之良法也

獨活湯 治產後中風方

獨活 一斤

桂心 二兩

秦艽 五兩

右三味咬咀以酒一斗半漬三日飲五合稍加至  
一升不能多飲隨性服

衍義

三味漬之以酒流動血脉虛風無復可留矣

大豆湯 治產後卒中風發病倒悶不知人及姪

娠挾風兼治在蓐諸疾方

大豆

五升炒  
令微焦

葛根

獨活

各八兩

防已

六兩

右四味咬咀以酒一斗二升煮豆取八升去滓內

藥煮取四升去滓分六服日四夜二

衍義

獨活祛風防已逐濕葛根解肌不得大豆紫湯何

以司血氣之開闔

五石湯 治產後卒中風發疾口噤倒悶吐沫瘰

癱眩冒不知人及濕痺緩弱身體痠姪娠百病

方

紫石英

三兩

鐘乳

赤石脂

石膏

白石英

牡蠣

人參

黃芩

白朮

甘艸

括蕞根

芎藭

桂心

防已

當歸

乾薑

各二兩

獨活

三兩

葛根

四兩

右十八味末五石咬咀諸藥以水一斗四升煮取  
三升半分五服日三夜二 一方有滑石寒水石

各二兩棗二十枚

四石湯 治產後卒中風發疾口噤瘰癧悶滿不

知人并緩急諸風毒痺身體痙強及挾胎中風

婦人百病方

紫石英

白石英

石膏

赤石脂各三兩

獨活

生薑各六兩

葛根四兩

桂心

芎藭

甘艸

芍藥

黃芩各二兩

右十二味咬咀以水一斗二升煮取三升半去滓

分五服

義

產後非極虛寒何致卒然口噤五石湯治證最劇

急需鐘乳白朮相反之性激發二英脂膏薑桂人

參奮力祛風則防已獨活方克有濟 四石湯治

證彷彿而本氣不致於傷憊者於前方裁去鐘乳

白朮之反對并去人參當歸防已牡蠣括婁等味

但加芍藥生薑所爭無幾而緩急輕重天淵

小柴胡湯 治婦人在蓐得風益四肢苦煩熱皆

自發露所為若頭不痛但煩熱與三物黃芩湯

頭痛與小柴胡湯方

柴胡半斤

黃芩

人參

甘艸 各三兩

生薑 二兩

大棗 十二枚

半夏 半斤

右七味咬咀以水一斗二升煮取六升去滓每服

一升日三服

三物黃芩湯方

黃芩

苦參 各二兩

乾地黄 四兩

右三味咬咀以水八升煮取二升去滓適寒溫服一升日二多吐下蟲

衍義

邪在表裏之間而見煩熱頭痛舍小柴胡別無良法若但煩熱而無頭痛知風熱已陷血分止宜黃

芩清解外內之風熱苦參搜滌伏陷之濕熱地黄

滋化血中之伏火服後多吐下蟲積者以蟲乘熱

上膈得苦寒降泄則伏而不動往往隨藥而出也

甘艸湯 治產後腹中傷絕寒熱恍惚狂言見鬼

此病中風內絕藏氣虛所為方

甘艸

芍藥 各五兩

羊肉 三斤

通艸 三兩產寶用當歸

右四味咬咀以水一斗六升煮肉取一斗去肉內

藥煮取三升去滓分五服日三夜二

羊肉湯 治產後中風久絕不產月水不利乍赤

乍白及男子虛勞冷甚方

羊肉 二斤

成籜大蒜

去皮切

香豉

各三升

右三味以水一斗三升煮取五升去滓內酥一升更煮取三升分温三服

衍義

太陽病服陽旦湯惡寒脚攣急服甘艸乾薑湯厥

愈足温更作芍藥甘艸湯與之其脚即伸產後腹中疝痛主以當歸生薑羊肉湯此治產後腹中傷絕寒熱暴病乃獨取羊肉温補精血芍藥甘艸護持營氣則傷絕可復寒熱可除用通艸者通達氣化之阻絕也產寶易當歸通血室之阻絕也 羊

肉湯治風入胞門固疾故用籜蒜濁惡之味與羊肉香豉同煮以蒜能辟除惡氣豉能解散穢腐更內乳酥之潤引領痰垢下趨當歸生薑羊肉湯之變法也

葛根湯 治產後中風口噤痙痺氣息迫急眩冒困頓并產後諸疾方

葛根

生薑

各六兩

獨活

四兩

當歸

三兩

甘艸

桂心

茯苓

石膏

人參

白朮

芍藥

防風

各二兩

右十二味咬咀以水一斗二升煮取三升去滓分  
三服日三

衍義

產後中風口噤瘳痺雖用芎防葛獨膏薑愈風之  
品不得苓桂朮甘四君子等藥無以逞其功用也  
醫之工拙於此可徵

防風酒 治產後中風方

防風

獨活 各一斤

女萎

桂心 各三兩

茵芋 一兩

石斛 五兩

右六味咬咀以酒二斗漬三宿初服一合稍加至  
三四合日二

治產後中柔風舉體疼痛自汗出者及餘百疾方

獨活 八兩

當歸 四兩

右二味咬咀以酒八升煮取四升去滓分四服日  
三夜一取微汗 葛氏單用獨活小品加當歸若  
上氣者加桂心二兩不瘥更作

木防已膏 治產後中風方

木防已 半斤

茵芋 五兩

右二味咬咀以苦酒九升漬一宿猪膏四升煎三  
上三下膏成灸手摩于遍瘥

浴湯 治產後中風流腫方

鹽 五升熬  
令赤

雞毛 一把燒  
作灰

右二味以水一石煮鹽作湯內雞毛灰著湯中適  
冷暖以浴大良又浴婦人陰冷腫痛凡風腫面欲  
裂破者以紫湯一服瘥神効紫湯即前  
大豆紫湯  
衍義產後中風而用獨活茵芋等味柔風而用獨活當  
歸漬酒皆背城決戰之法以圖萬一之倖若生機  
未艾者豈別無他法耶至於外用摩膏用浴法不  
獲已而為之然不若大豆紫湯之妙用虛實逆從  
總無妨礙

治產後中風頭面手臂通滿方

大豆三升以水六升煮取一升半去豆澄清更

煎取一升內白朮八兩附子獨活各三兩生薑  
八兩添水一斗煎取五升內好酒五升合煎取  
五升去滓分五服日三夜一間粥頻服三劑

衍義此以朮附湯加獨活生薑入大豆紫湯中非但治  
方下諸病即頭風偏正皆得療之

茯神湯 治產後忽苦心中衝悸或志意不定恍  
恍惚惚言語錯謬心虛所致方

茯神 人參 茯苓

芍藥 甘艸 當歸

桂心 各二兩 生薑 八兩 大棗 三十枚

右九味咬咀以水一斗煮取三升去滓分三服日  
二夜一良

遠志湯 治產後忽苦心中衝悸不定志意不安  
言語錯誤惚惚憤憤情不自覺方

遠志

麥門冬

人參

甘艸

當歸

桂心

各二兩

芍藥 一兩

茯苓 五兩

生薑 六兩

大棗 二十枚

右十味咬咀以水一斗煮取三升去滓分三服日  
三羸者分四服產後得此正是心虛所致無當歸

用芎藭若其人心胸逆氣加半夏三兩

茯苓湯 治產後暴苦心悸不定言語錯謬恍恍  
惚惚心中憤憤此皆心虛所致方

茯苓

甘艸

芍藥

桂心

當歸

生薑

各二兩

六兩

麥門冬 一升

大棗

三十枚

右八味咬咀以水一斗煮取三升去滓分三服日  
三無當歸可用芎藭若苦心志不定加人參二兩  
亦可內遠志二兩若苦煩悶短氣加生竹葉一升  
先以水一斗三升煮竹葉取一斗內藥若有微風



加獨活三兩麻黃二兩桂心二兩用水一斗五升  
若頸項苦急背膊强者加獨活葛根各三兩麻黃  
桂心各二兩生薑八兩用水一斗半

安心湯 治產後心衝悸不定恍惚不自知  
覺言語錯誤虛煩短氣志意不定此是心虛所

致方

遠志

甘艸 各二兩

人參

茯神

當歸

芍藥 各三兩

麥門冬 一升

大棗 三十枚

右八味咬咀以水一斗煮取三升去滓分三服日

三若苦虛煩短氣者加淡竹葉二升水一斗二升  
煮竹葉取一斗內藥若胸中少氣者加甘艸為三  
兩善

衍義

金匱有云產後常服建中數劑則諸病不生千金  
加當歸一味名曰內補當歸建中湯無間有邪無  
邪皆可用之以其專力和營也四方皆出內補當  
歸建中一加參苓茯神一加參苓冬志一加茯苓  
門冬一加參神冬志而不用桂心生薑總主心虛  
衝悸恍惚錯謬但虛甚必加人參無參多加茯苓  
志亂則加遠志神傷須用茯神去桂心生薑者以

神氣內耗恐其辛散走津液也觀方下有云無當歸用芎藭及後甘艸丸方後云若無澤瀉白朮代之則茯神遠志雖有心腎之分却無上下異治也甘艸圓 治產後心虛不足虛悸心神不安吸吸乏氣或若恍恍惚惚不自知覺者方

甘艸

遠志

芎藭

各三兩

人參

麥門冬

乾薑

茯苓

各二兩

澤瀉

桂心

各一兩

大棗

五十枚

右十味爲末蜜和丸如大豆酒服二十九日四五

服夜再服不知稍加若無澤瀉以白朮代之若胸中冷增乾薑

人參圓 治產後大虛心悸志意不安不自覺恍惚恐畏夜不得眠虛煩少氣方

人參

甘艸

茯苓

各三兩

麥門冬

芎藭

澤瀉

薯蕷

乾薑

各二兩

桂心

一兩

大棗

五十枚

右十味爲末以蜜棗膏和丸如梧子未食酒服二十九日三夜一不知稍增若有遠志內二兩佳若

風氣加當歸獨活各三兩亦治男子虛損心悸  
大遠志圓 治產後心虛不足心下驚悸志意不  
安恍恍惚惚腹中拘急痛夜臥不安胸中吸吸  
少氣內補傷損益氣安定心神亦治虛損方

遠志

甘艸

乾地黄

桂心

茯苓

麥門冬

人參

當歸

白朮

澤瀉

獨活

菖蒲

各三兩

薯蕷

阿膠

各二兩

乾薑

四兩

右十五味爲末蜜和丸如大豆未食溫酒服三十

丸日三不知稍增至五十九丸若大虛身體冷少津  
液加鐘乳三兩爲善

義

千金用參苓補虛多兼薑桂化熱多兼門冬不獨  
甘艸丸爲然菖蒲遠志引領諸味歸心澤瀉淡滲  
專導虛熱下泄其人參丸卽於甘艸丸中退遠志  
而進薯蕷方下所言有遠志加二兩若風氣加當  
歸獨活卽是遠志丸範子歸地膠朮功倍棗膏至  
於大虛身體冷加鐘乳以對白朮功力未可限量  
心腹痛第十三 方二十六首

蜀椒湯

治產後心痛此大寒冷所爲方

蜀椒 二合

芍藥

當歸

半夏

甘艸

桂心

人參

茯苓

各二兩

蜜 一斤

生薑汁 五合

右十味咬咀以水九升煮椒令沸然後內諸藥煮取二升半去滓內薑汁及蜜煎取三升一服五合漸加至六合禁勿冷食

衍義

產後心腹諸痛總宜溫理血氣內補當歸建中功專和營解邪產後恒宜服之此以本氣虛寒故於本方加入蜀椒人參茯苓半夏溫散胃家痰氣生

薑用汁取其迅速蜜代飴棗不獨安中兼滋桂心半夏之燥也

大巖蜜湯 治產後心痛方

乾地黄

當歸

獨活

甘艸

芍藥

桂心

細辛

小草

各二兩

吳茱萸 一升

乾薑 三兩

右十味咬咀以水九升煮取三升內蜜五合重煮

分三服日三 胡洽不用獨活桂心 小草千金翼不用蜜

衍義 此亦出之建中前以胃氣虛冷故用椒半夏參苓此

以胃寒血燥亦於建中除去飴棗而易蜂蜜不用  
薑汁而用乾薑取其力專守中加吳茱萸溫中下  
氣止痛細辛治咳逆利九竅乾地黃補益安中皆  
本經主治也 詳後二十六卷賊風門中大巖蜜  
湯無蜂蜜獨活小草多半脂梔子茯苓小巖蜜較  
大巖蜜無梔子茯苓多大黃雄黃總取羊脂祛風  
潤燥實脾和營代此方中蜂蜜以和薑黃辛桂之  
烈也

乾地黃湯 治產後兩脅滿痛兼治百病方

乾地黃

芍藥

各三兩

當歸

蒲黃 各二兩

生薑

五兩

桂心

六兩

甘艸 一兩

大棗

二十枚

右八味咬咀以水一斗煮取一升半去滓分三服  
日三

衍義

產後雖兩脅滿痛而無寒熱往來知非少陽客邪  
仍須內補建中加地黃輔佐歸芍和營加蒲黃輔  
佐桂心散血以肝血不能循經輸運而流入少陽  
部分故專散血為主

芍藥湯 治產後苦少腹痛方

芍藥

六兩

桂心

生薑

各三兩

千金方衍義卷三  
甘艸 二兩

膠飴 八兩

大棗 二十枚

右六味咬咀水七升煮取四升去滓內飴令烱分三服日三

衍義腹痛而用建中南陽先聖治例千金產後施治亦不出此

當歸湯 治婦人寒疝虛勞不足若產後腹中絞痛方

當歸

芍藥

各二兩子母祕錄有甘艸

生薑 五兩

羊肉 一斤

右四味咬咀以水八升煮羊肉熟取汁煎藥得三

升適寒温服七合日三

金匱要略云胡洽不用芍藥名小羊肉湯

衍義金匱治腹中疝痛用當歸生薑羊肉湯辛温散結

其痛立愈凡少腹疝痛用桂心等藥不應者用之輒効芍藥酸寒為產後禁藥千金獨取以加入此湯深得辛甘相配散中寓收之妙用原從建中悟出胡洽未達此義

桃仁芍藥湯

治產後腹中疾痛方

桃仁 半升

芍藥

芎藭

當歸

乾漆

桂心

甘艸 各二兩

右七味咬咀以水八升煮取三升分三服

衍義

產後惡露不行而痛雖非建中所宜然亦不能捨

此於中除去薑棗加入桃仁芎歸乾漆專攻瘀積

使無留結之患倘傷殘之餘雖勝峻攻者鯪鯉蟲

蟲代用亦無不可

羊肉湯 治產後及傷寒大虛上氣腹痛兼微風

方

肥羊肉 二斤無羊肉用麀鹿肉代

黃耆

乾薑 各三兩

獨活

桂心

人參 各二兩

茯苓

甘艸

麥門冬 七合

生地黄 五兩

大棗 十二枚

右十一味咬咀以水二斗煮肉取一斗去肉內藥

煮取二升半分四服日三夜一 千金翼無乾薑

羊肉當歸湯 治產後腹中心下切痛不能食往

來寒熱中風乏氣力方

羊肉 三斤

當歸

黃芩 肘後用黃耆

芎藭

防風 肘後用人參

甘艸 各二兩

芍藥 三兩

生薑 四兩

右八味咬咀以水一斗二升先煮肉減半內餘藥

取三升去滓分三服日三 胡洽以黃耆代黃芩白朮代芍藥名大羊肉湯

子母祕錄以桂心代防風加犬棗十七枚良

羊肉杜仲湯 治產後腰痛欬喘方

羊肉 四斤

杜仲

紫苑

當歸

白朮

桂心

各三兩

五味子

細辛

欬冬花

人參

厚朴

芎藭

附子

草薺

甘艸

黃耆 各二兩

生薑 八兩

大棗 三十枚

右十八味咬咀以水一斗半煮肉取汁一斗五升去肉內藥取三升半去滓分五服日三夜二

羊肉生地黃湯 治產後三日腹痛補中益藏強

力消血方

羊肉 三斤

生地黃 切二升

桂心

當歸

甘艸

芎藭

人參 各二兩

芍藥 三兩

右八味咬咀以水二斗煮肉取一斗去肉內藥煎取三升分四服日三夜一

衍義

羊肉湯治產後大虛雖有客邪若行表散元氣立脫故需羊肉氣血之屬煮保元輩急固本元略取獨活一味專主下陷之邪并佐乾薑桂心調和血



氣之品深得養正祛邪之妙用也 羊肉當歸湯  
以有寒熱往來雖無腹中絞痛亦須當歸生薑羊  
肉溫補散邪芎藭芍藥護持營血防風黃芩雖散  
表熱實通血閉時後不用防風黃芩而用人參黃  
耆胡洽以黃耆代黃芩白朮代芍藥子母祕錄以  
桂心代防風並可爲法 羊肉杜仲湯專主產後  
大虛寒濕痺著而腰痛虛風內襲而咳喘故合芎  
而用參附耆附朮附桂附薑附兼附子理中湯甘  
艸附子湯等方之製峻用辛溫以開下著之痺細  
辛甘艸以散上浮之咳薑桂辛散五味收之耆朮

氣壅厚朴泄之草薺杜仲濕著腰痛之嚮導紫苑  
欬冬風淫喘咳之專司種種主治仍藉當歸生薑  
羊肉湯鼓舞之力 羊肉生地黃湯以治新產腹  
痛乃兼取當歸生薑羊肉湯內補當歸建中湯二  
方除去薑棗膠飴加入人參芎地調血氣桂心  
行芍地之寒滯人參助羊肉之滋益也  
內補當歸建中湯 治產後虛羸不足腹中痠痛  
不止吸吸少氣或苦小腹拘急痛引腰背不能  
飲食產後一月日得服四五劑爲善令人力壯  
方

當歸 四兩

芍藥 五兩

甘艸 二兩

生薑 六兩

桂心 二兩

大棗 十八枚

右六味咬咀以水一斗煮取三升去滓分三服一日令盡若大虛內餽糖六兩作湯成內之於火上煖令餽消若無生薑則以乾薑三兩代之若其人去血過多崩傷內竭不止加地黃六兩阿膠二兩合八種作湯或去滓內阿膠若無當歸以芎藭代之

內補芎藭湯 治婦人產後虛羸及崩傷過多虛竭腹中絞痛方

芎藭

地黃 各四兩

芍藥 五兩

桂心 二兩

甘艸

乾薑 各三兩

大棗 四十枚

右七味咬咀以水一斗二升煮取三升去滓分三服日三不瘥復作至三劑若有寒苦微下加附子三兩治婦人虛羸少氣傷絕腹中拘急痛崩傷虛竭面目無色及唾吐血甚良  
大補中當歸湯 治產後虛損不足腹中拘急或溺血少腹苦痛或從高墮下犯內及金瘡血多內傷男子亦宜服之方

當歸

續斷

桂心

芎藭

乾薑

麥門冬

各三兩

芍藥

四兩

吳茱萸

一升

乾地黄

六兩

甘艸

白芷

各二兩

大棗

四十枚

右十二味咬咀以酒一斗漬藥一宿明旦以水一斗合煮取五升去滓分五服日三夜二加黃耆二兩益佳

衍義

南陽用小建中治傷寒陽脉濇陰脉弦腹中急痛及尺中脉遲營氣不足之證金匱加黃耆治虛勞裏急諸不足用法奇矣千金於小建中加當歸謂

之內補當歸建中湯變化尤奇而於產後隨證加減無所不宜南陽從客邪內犯起見故用桂枝干金從肝血內滯起見且西北風氣剛勁桂枝力薄不能透達表邪故咸用桂心然古方中多有但一桂字者則當隨內外見證而為取用 其內補芎藭湯即是內補當歸建中方後加減以崩傷去血過多虛竭腹中絞痛非芎藭地黄胡能急救脫亡地黄膩膈乾薑發之乾薑專守生薑專散進彼退此非無深意存焉既有芎地之滋益棗飴可無用也 大補中當歸湯合前兩方諸味更加吳茱萸

以佐乾薑麥門冬以佐地黃續斷以佐芎藭白芷  
以佐桂芍也用酒漬者專行和血止痛也

桂心酒 治產後小腹痛及卒心腹痛方

桂心三兩以酒三升煮取二升去滓分三服日

三

牛膝酒 治產後腹中苦痛方

生牛膝根五兩以酒五升煮取二升分二服若

用乾薑牛膝根以酒漬一宿然後可煮

治產後腹中如弦常堅痛無聊賴方

當歸末二方寸匕內蜜一升煎適寒溫頓服

衍義

桂心散寒結牛膝導熱結並宜酒煮以行其勢當  
歸和血又宜蜜煎使緩行其性故無藉于酒煎也

吳茱萸湯 治婦人先有寒冷胸滿痛或心腹刺

痛或嘔吐食少或腫或寒或下痢氣息綿悞欲

絕產後益劇皆主之方

吳茱萸 二兩

防風

桔梗

乾薑

甘艸

細辛

當歸

各十  
二銖

乾地黃

十八  
銖

衍義

右八味咬咀以水四升煮取一升半去滓分再服  
先有寒明非暴受之寒也胸滿痛而且嘔吐食少

或浮腫或下痢一切都是裏證故用薑黃細辛以  
溫其胃當歸地黃以滋其血防風桂心以拓其氣  
卽產後益劇亦不出此

蒲黃湯 治產後餘疾胸中少氣腹痛頭疼餘血

未盡除腹中脹滿欲死方

蒲黃

生地黃

生薑

各五兩

芎藭

桂心

各一兩

砒石

二兩

桃仁

二十枚

大棗

十五枚

右八味咬咀以水九升煮取二升半去滓內砒石  
分三服日三良

衍義

產後餘血未淨而腹脹滿痛為證最急泄滿最為

吃緊蒲黃散血更須砒石佐之則桂心桃仁等味

方得振迅掃之威耳

敗醬湯

治產後疼痛引腰腹中如錐刀所刺方

敗醬

三兩

桂心

芎藭

各一兩

當歸

一兩

右四味咬咀以清酒二升水四升微火煮取二升  
去滓適寒溫服七合日三食前服之

衍義

產後疹塊引痛如錐須防瘀結成癰故借金匱薏

苡敗醬附子散之法於中除去附子之煖發進以

芎歸之柔和可無癰成之患矣

芎藭湯 治產後腹痛方

芎藭

甘艸 各二兩

蒲黃

女葳

各兩半

芍藥

大黃 各三兩

當歸

十八銖

桂心

桃仁

黃耆

千金翼作黃芩

前胡

各一兩

生地黄 一升

右十二味咬咀以水一斗酒二升合煮取三升去滓分四服日三夜一

衍義

卽前蒲黃湯之變法彼用磁硝專滌瘀結此用大黃兼清畜熱

獨活湯

治產後腹痛引腰背拘急痛方

獨活

當歸

桂心

芍藥

生薑

各三兩

甘艸 二兩

大棗

二十枚

右七味咬咀以水八升煮取三升去滓分三服服後相去如人行十里久再進

衍義

於內補當歸建中除去膠飴之滯膩特進獨活以散風氣血結也

芍藥黃耆湯

治產後心腹痛方

芍藥

四兩

黃耆

白芷

桂心

生薑

人參

芎藭

當歸

乾地黄

甘艸

各二兩

茯苓

三兩

大棗

十枚

右十二味咬咀以酒水合五升合煮取三升去滓

先食服一升日三

千金翼無人參當歸芎藭地黃茯苓為七味

衍義

此以血氣虧損而致心腹疼痛故用保元合內補

當歸建中之製更加芎地以滋衝脉之虛苓芷以

散子戶之風也

治產後腹脹痛不可忍者方

煮黍粘根為飲一服即愈

衍義

黍粘子通行十二經其根下行散血故單取用之

治婦人心痛方

布裏鹽如彈丸燒作灰酒服愈

衍義

鹽能降泄燒之以灰取同氣以導陰火用酒服之

更能和血

又方

燒秤錘投酒中服亦佳

衍義

燒鐵漬酒專取下氣

又方

炒大豆投酒中服佳

衍義

大豆紫湯疎風潤燥滋腎和營無所不宜

惡露第十四 方二十八首

乾地黃湯 治產後惡露不盡除諸疾補不足方

乾地黃 三兩 芎藭 桂心

黃耆 當歸 各二兩 人參

防風 茯苓 細辛

芍藥 甘草 各一兩

右十一味咬咀以水一斗煮取三升去滓分三服  
日再夜一

衍義

產後惡露未盡勢在必攻而攻之之法不但諒人

虛實且有稟質偏勝之不同或兼挾何邪而致病  
豈一破血之法可槩治乎此方以保元四物兼補  
氣血佐細辛防風以行保元之力桂心茯苓以行  
四物之滯滯通而惡露自行本虛挾血之良法也  
桃仁湯 治產後往來寒熱惡露不盡方

桃仁 五兩 吳茱萸 二升 黃耆

當歸 芍藥 各三兩 生薑

醍醐 百鍊 柴胡 各八兩

右八味咬咀以酒一斗水二升合煮取三升去滓  
適寒溫先食服一升日三



衍義

此因惡露不通而見往來寒熱故用桃仁芍藥散  
血即兼黃耆當歸補血柴胡吳茱萸生薑專為寒  
熱而設吳茱萸散內痺之血柴胡生薑開外鬱之  
氣用醜醜者專通血結產母痺約之故若大便不  
固殊非所宜觀後柴胡湯可知

澤蘭湯 治產後惡露不盡腹痛不除小腹急痛

痛引腰背少氣力方

澤蘭

當歸

生薑

生地黃

各三兩

甘艸

一兩半

芍藥

一兩

大棗

十枚

